

Adabi vezani za snoviđenje

[Bosanski – Bosnian – بوسني]

Muhammed b. Ibrahim et-Tuvejdžiri

Prijevod:

Hakija Kanurić

Revizija:

Ersan Grahovac

2014 - 1435

IslamHouse.com

﴿ آداب الرؤيا ﴾

« باللغة البوسنية »

محمد بن إبراهيم التويجري

ترجمة:

هاكيا كانوريتش

مراجعة:

أرسان غراهوفاتس

2014 - 1435

IslamHouse.com

Adabi vezani za snoviđenje

Vrste sna

Ebu Hurejre, radijallahu anhu, prenosi da je Allahov Poslanik, sallallahu alejhi ve sellem, rekao: **„Kada se primakne Sudnji dan san muslimana gotovo da neće griješiti. Od vas najistinitije snove ima onaj ko najistinitije govori. Snovi muslimana su jedan od četrdeset i pet dijelova vjerovjesništva. Snova ima tri vrste: lijep san koji je radosna vijest od Allaha, san kojim šejtan raztužuje i san o onom o čemu čovjek razmišlja. Ako neko od vas vidi u snu ono što ne voli neka ustane i neka klanja i neka nikom ne govori šta je usnio.“** (Muttefekun alejh)¹

Šta se govori i čini kada se usnije lijep ili ružan san

1. Ebu Katade, radijallahu anhu, prenosi da je čuo Allahovog Poslanika, sallallahu alejhi ve sellem, da je rekao: **„Lijep san je od Allaha, pa kada neko od vas usnije lijep san neka ga ispriča samo onom koga voli. A ko usnije ružan san neka se utječe Allahu od zla tog sna i zla šejtana, neka tri puta puhne i**

¹ Bilježi Buharija, br. 7017., i Muslim, br. 2263., i ovo je njegova verzija.

neka nikom ne govori o tom snu pa mu ništa neće nauditi.“ (Muttefekun alejh)²

2. Ebu Seid, radijallahu anhu, prenosi da je Allahov Poslanik, sallallahu alejhi ve sellem, rekao: „**Kada neko od vas usnije san kojeg voli to je san od Allaha pa neka na tome zahvali Allahu.**“ (Bilježi Buharija)³
3. Džabir, radijallahu anhu, prenosi da je Allahov Poslanik, sallallahu alejhi ve sellem, rekao: „**Kada neko od vas usnije san kojeg prezire neka na svoju lijevu stranu tri puta pljučne, neka se tri puta utječe Allahu od šejtana i neka promijeni stranu na kojoj je ležao.**“ U drugoj predaji je rečeno: „**Ako neko od vas usnije san kojeg prezire neka ustane i neka klanja.**“ (Bilježi Muslim)⁴

Radovanje lijepom snu

1. Ebu Hurejre, radijallahu anhu, prenosi da je čuo Allahovog Poslanika, sallallahu alejhi ve sellem, da je rekao: „**Ništa nije ostalo od poslanstva osim vijesti radosnice.**“ Prisutni su upitali: „**A šta su to vijesti radosnice?**“ Rekao je: „**Lijepi snovi!**“ (Bilježi Buharija)⁵

² Bilježi Buharija, br. 7044., i ovo je njegova verzija, i Muslim, br. 226.

³ Bilježi Buharija, br. 7045.

⁴ Bilježi Muslim, br. 2262. i 2263.

⁵ Bilježi Buharija, br. 6990.

2. Enes ibn Malik, radijallahu anhu, prenosi da je Allahov Poslanik, sallallahu alejhi ve sellem, rekao: **„Lijep san kojeg usnije dobar čovjek je jedan od četrdeset i šest dijelova poslanstva.“** (Muttefekun alejh)⁶

Videnje Poslanika, sallallahu alejhi ve sellem, u snu

Ebu Hurejre, radijallahu anhu, prenosi da je Poslanik, sallallahu alejhi ve sellem, rekao: **„Nadivajte sebi moje ime ali se ne nazivajte po mom nadimku (Ebul-Kasim), a ko me vidi u snu – stvarno je vidio mene, jer se šejtan ne prikazuje u mom liku, a ko na mene namjerno slaže neka sebi pripremi mjesto u Vatri.“** (Muttefekun alejh)⁷

Neizmišljanje laži govoreći o snovima

1. Ibnu Abbas, radijallahu anhu, prenosi da je Poslanik, sallallahu alejhi ve sellem, rekao: „Ko bude pričao san koji nije usnio – zatražit će se od njega da u čvor sveže dva ječmena zrna, a on to neće moći učiniti. Ko bude slušao razgovor ljudi koji ga preziru ili izbjegavaju – nalit će mu se na Sudnjem danu u uši

⁶ Bilježi Buharija, br. 6983., i ovo je njegova verzija, i Muslim, br. 2263.

⁷ Bilježi Buharija, br. 110., i ovo je njegova verzija, i Muslim, br. 2134 i 2266.

rastopljeno olovo. Ko naslika kakav lik – kazna će mu biti zaduženje da u njega udahne dušu, a on to neće moći učiniti.“ (Muttefekun alejh)⁸

2. Ibnu Omer, radijallahu anhu, prenosi da je Poslanik, sallallahu alejhi ve sellem, rekao: „**Najveća je laž da čovjek pokaže svojim očima ono što one nisu vidjele.**“ (Bilježi Buharija)⁹

Nepričanje o šejtanskom poigravanju u snu

Džabir, radijallahu anhu, prenosi da je jedan čovjek došao Poslaniku, sallallahu alejhi ve sellem, i rekao: „**Allahov Poslaniče vidio sam u snu kao da mi je glava odsječena!**“ Na to se Poslanik, sallallahu alejhi ve sellem, nasmijao i rekao: „**Kada se šejtan u snu poigra s nekim od vas neka o tome ne govori ljudima.**“ (Bilježi Muslim)¹⁰

⁸ Bilježi Buharija, br. 7042., i ovo je njegova verzija, i Muslim, br. 2110.

⁹ Bilježi Buharija, br. 7043.

¹⁰ Bilježi Muslim, br. 2268.